

# Presidência da República Democrática de Timor-Leste



Presidência da República Democrática de Timor-Leste

12h ·

## EDUKASAUN MAK SEI TRANSFORMA SOSIEDADE NIA ATITUDE

### Palásiu Prezidénsial Nicolau Lobato, Díli, 11 agostu 2020

Prezidente Repúblika, Francisco Guterres Lú Olo, iha sorumutuk ho representante La'ó Hamutuk, hateten katak edukasaun permanente mak sei transforma sosiedade nia attitude.

Konxiensilizaun mak dalan atu transforma sosiedade ida nia attitude. Tanba ne'e, Prezidente Repúblika husu parte hotu-hotu atu asume papél edukasaun ba transformasaun ema nian atu kontinua partisipa iha prosesu konstrusaun Estadu no Nasaun.

Prezidente Repúblika informa katak akompaña nafatin debate ne'ebé la'ó dadaun iha públiku no la adianta hanoin ruma kona-ba planu Governu ninian kona-ba lei defamasaun. Maibé Prezidente Repúblika rona informasaun husi Governu katak proposta lei kona-ba defamasaun la'ós prioridade iha tempu agora.

Portavós La'ó Hamutuk, Celestino Gusmao, agradese Prezidente Repúblika tanba rona preokupasoin husi organizasaun sosiedade sivil relasiona ho planu Governu atu prodús lei ba kriminalizasaun defamasaun ne'ebé bele estraga imajen Timor-Leste iha mundu internasionál.

Portavós La'ó Hamutuk, Celestino Gusmao, hateten katak hanesan nasaun demokrtiku ne'ebe garante liberdade espresaun no liberdade imprensa la devia hakanek Timor-Leste nia prestijiu ho lei kriminaliza defamasaun, tanba Timor-Leste iha kompromisu atu hadi'ak no Timor-Leste nia naran di'ak iha mundu internasionál.

Organizasaun La'ó Hamutuk sujere atu uza kuadrus legais, hanesan prosesu sivil, hodi prosesa kazu defamasaun, nune'e la presiza kriminaliza defamasaun.

La'ó Hamutuk nu'udar organizasaun ne'ebé halo monotorizasaun ba prosesu dezvoltamentu nasional apresenta ona submisaun kona-ba nia pozisaun kontra lei kriminalizasaun defamasaun ba Primeiru Ministru no Parlamentu Nasionál.

MÍDIA PR

57



# PR Lú Olo: Governu dehan Esbosu Kriminaliza Difamasaun La'os Prioridade

By Tempo Timor (/politika/author/759-tempotimor) August 11, 2020 424



Celestino Gusmão Peskizadór La'o Hamutuk (LH) ko'alia ba Jornalista sira, Tersa (11/08)

Foto Suplai

**Tempotimor (Dili)**-Prezidente Repúblika Francisco Guterres Lu Olo hatete, simu ona informasaun husi parte governu katak esbosu alterasaun difamasaun husi kodigu sivil ba kodigu penal ne'eb'e Ministériu Justisa inisia, la'os ona prioridade ba governu.

PR Lú Olo informa kestaun ne'e bainhira hala'o enkontru ho organizasaun naun-governamental (ONG) Luta Hamutuk (LH).

"Ohin ami mai enkontru ho Prezidente Repúblika (PR) kona-ba ami-nia pozisaun ba esbosu kriminaliza difamasaun ne'ebé governu inisia, maibé PR konfirma katak, governu hatete ona ba PR dehan inisiativa ida ne'e la'ós prioridade governu nian," dehan peskizadór LH Celestino Gusmão ba jornalista sira iha Palásiu Prezidensiál Bairu-pite, Dili, Tersa (11/08).

Kona-ba pozisaun PR Lú Olo nian, Celestino dehan, PR seidauk deside tanba esbosu ne'e rasik seidauk klaru.

"Pozisaun PR nian ba esbosu kriminaliza difamasaun nian seidauk pronunsia, tanba governu dehan la prioridade, entaun nia seidauk ko'alia," nia dehan.

Peskizadór ne'e informa mós katak, nia parte haruka ona karta ba Primeiru Ministru (PM) Taur Matan Ruak hodi husu atu hasoru-malu hodi koalia kona-ba esbosu kriminaliza difamasaun, maibé seidauk iha resposta husi gabinete PM.

## La'ó Hamutuk: Lei Kriminaliza Defamasaun Sei Estraga Imajen Timor-Leste Iha Mundu



Dili, 11 Agostu 2020 : Porta-vóz Organizasaun Non Governamentál (sigla inglés, NGO) La'ó Hamutuk , Celestino Gusmão, hateten katak hanesan nasaun demokrátiku ne'ebé garante liberdade espresaun no liberdade imprensa la devia hakanek Timor-Leste nia prestíjiu ho lei kriminaliza defamasaun, tanba Timor-Leste iha kompromisu atu dignifika naran iha mundu internasionál.

Celestino Gusmão informa hateten ida ne'e, hafoin hasoru malu ho Prezidente Repúblika Francisco Guterres Lú Olo, iha palasiu prezidensiál, Dili.

Reprezentante La'ó Hamutuk ne'e agradese mós ba Prezidente Repúblika tanba rona preokupasaun hosi organizasaun sira relasiona ho planu Governu nian atu prodúz lei kriminaliza defamasaun ne'ebé bele estraga imajen Timor-Leste iha mundu Internasionál.

La'ó Hamutuk sujere atu Governu uza kuadru legál hanesan prosesu sivíl hodi prosesa kazu difamasaun, nune'e la presiza kriminaliza defamasaun.

La'ó Hamutuk nu'udár organizasaun ne'ebé halo monitorizasaun ba dezenvolvimentu nasionál, apresenta ona submisaun kona-ba nia pozisaun kontra lei kriminaliza defamasaun ba Primeiru-Ministru no Parlamentu Nasionál.

*Fonte: Mídia Presidente da República (PR)*